

Ad  
VIRUM*Prænobilissimum, Excellentissimum & Experientissimum***DN. GABRIELEM  
CLAUDERUM,**

Toparcham Schechvvizii,

Medicinæ Doctorem famigeratissimum, Seren. Electo-  
ris & Ducis Saxo-Gothani Archiatrum meritissimum, & Collegii  
Curiosorum Theſeum Primum ſpectatiſſimum,

VI. Julii A. C. 1736 LXXXVI.

tacem

NUPTIIS

FILIÆ UNICÆ,

*Virginis Puriſſimæ & Pudiciſſimæ,***MAR. ELISABETHÆ,**

cum Patruale opt.

VIRO

*Nobiliffimo, Ampliffimo & Excellentiffimo***DNO. FRIDERICO  
WILHELMO CLAUDERO,**

Medicinæ Licentiato &amp; Practico celeberrimo,

*non ſine gaudio votisq; piis  
accenderet,**Allogvium***M. Pauli Martini Sagittarij,  
Eccleſiaſtæ Altenburg.**

Prelo Godofredi Richteri, Duc. Typ.





Nnus jam agitur septuagesimus secundus, quo nomen *Clauderianum* hac in urbe, his in terris innotescere coepit. Innotuit antea in terra Advocatorum *Mosbaci & Neostadii ad Orilam*: illic Pastoris munere Avus *Jacobus* 54. annorum spatio fungebatur; hic Parens *M. Josephus* Concretoris officio praeerat; uterque pietatis, eruditionis & industriæ studio eximium nomen sibi comparaverat. Ex quo autem Venerandus Tuus Pater, Neostadio relicto, *Altenburgum* nostrum, Scholæ moderamen suscepturus, salutavit, quod I. Dec. A. 1614. factum, *Clauderium nomen* angusto quondam angulo inclusum majus subinde innotescendi stadium occupavit. Non adducam, quæ ratione Genitor Tuus singulari in formanda juventute dexteritate *Clauderorum nomen* oris Saxonice commendaverit; nec referam, quæ mira in pangendis carminibus, sacris præsertim, felicitate nomen ad exteros etiam transfulerit, *Poëtæ Christiani* titulum, sic volentibus Summis Theologis Dieterico, Röbero, Walthero, Sleupnero, Alardo & Hermanno, Christiano in orbe retulerit; multo minus recensebo, quod Diaconi & Archidiaconi *Ispartas* probe, fideliter, impigre & ex salute auditorum obeundo nomen suum seculorum, si quæ futura, memoriæ consecraverit; Sed potius raræ *Evansiacæ* & admirandæ in augenda Familia benedictionis mentionem injiciam, quæ *Clauderi nomen* magis magisque inclaruit. Felix erat optimus Parens filiorum proventu, felicior adhuc filiorum educatione. Non satis ipsi erat ex *Barbara Neandera*, castissima & amantissima Conjuge, quatuor tollere filios: affectus, quo tenebatur, tenerrimus ulterius tendebat, non ut molli indulgentia suorum animos corrumpere, sed ut literis bonisque moribus excoleret. Ipse præibat voce & doctrina, ipse moderabatur studia, exemplo, monitis, consiliis & sumptibus singulorum fovebat diligentiam, juvabat profectus, excitabat industriam. Nec vanam lusit operam, sumtus non frustra impensi. Filii expectationi Parentis ex assè respondebant, quin & eandem vincebant. Laudet Roma *Marcellum* suum trium Consulium & unius Prætoris parentem. Extollat Bruga, Saxonice superioris oppidulum, *Gregorium Heinsium*, Consulem suum, qui tres filios *M. Simonem*, primum repurgatæ Ecclesiæ Witebergenfis præconem, *Gregorium*, Pontanum nominatum, Fride-

Friderici, Johannis & Johannis Friderici, Electorum Saxoniae Cancellarium & tertium Medicum vidit. Prædicet Jena *Johannem Gerhardum*, qui duos Theologiae Doctores Ecclesiae dedit *Johannem Ernestum* & *Johannem Fridericum*, illum Academiae patriae Professore, hunc Ephoriam Eisenbergensis Praesulem, & unum Juris Doctorem *Johannem Andream*, Consiliarium Seren. nostrae Aulae gravissimum. Evchat Colditium *Benedictum Carporovium*, Viduae Electoralis Cancellarium, lectissima filiorum quadriga beatum, *Conradus*, Administratoris Magdeburgensis agebat Cancellarium, *Benedictus*, Consiliarium intimum Septemviri Johannis Georgii I. *Johannes Benedictus*, Theologiae Professore in Illustri Philurca & *Augustus* Cancellarium Coburgensem. Veneretur Gryphiswalda *Jacobum Rungium*, Ephorum & Professore suum, qui quinque filios summis honorum gradibus reliquit admotos, *Johannem*, Archiatrum Ducum Pomeraniae, *Jacobum*, Aerarii Ducalis Wolgastensis praefectum, *Fridericum* parentis in officio successorem, *Danielem*, J. U. Doctorem, Professore Gryphiswaldensem & Consiliarium Wolgastanum & *Davidem*, Theologum Witebergensem. Altenburgum suum laudabit *Clauderum*, quod quatuor concesserit filios eruditione, dignitate & meritis conspicuos *Josephum*, Phil. & Med. Doctorem, Archiatrum Altenburgensem, *Jacobum*, Doctorem Theologiae & Sacrorum Delitensium Antistitem, Magni Hulfemanni generum, *M. Isaacem*, Histor. Poet. & Eloq. in Gymnasio Coburgensi Professore, & *Te Gabrielem*. O felicem Patrem ob tot filiorum honores! O Patrem terque quaterque beatum, cui tales obtigerunt filii! Non enim alia est Senum Parentum gloria, quam filios videre virtute excellentes, effatum est *Antoni de Guevarra*: in illis Patris defuncti memoria semper vivit. Nec defuit, quae Dei est gratia, in filio primogenito *eujuvia*; Tres siquidem, quos ex *Regina Maenia* genuit filios *Christianum Ernestum*, *Fridericum Wilhelnum* & *Salomonem Augustum*, Jctorum & Medicorum in Illustri Salana Senatus debitis honorum praemiis decoravit. Istum recepit vicina *Cycnea* Physici munus conferendo: illum amplectitur *Altenburgum* langventis naturae ministrum: hunc *Ronneburgum* admisit causarum patronum. Nec desinet in reliquis, qui à *Claudero* nomen trahunt & originem, qui in potius maximam & quemadmodum confido, verissimam spem ulterioris *eujuvias* concipio. Quid dicam de admiranda in propaganda Familia *benedictione*? Decem liberorum parens factus est *Clauderus*: ex octo superstitibus quatuor filii totidemque filiabus<sup>19</sup>. nepotes nepesque lætus vidit, quibus vidua viva sit, accessere. Soluta autem placida morte, quæ 24. Dec. A. 1678. obvenit, quatuor & triginta reliquis adjecti feruntur. En insignem Dei benedictionem! *Centum* & *qua-*

PK La 5324

quatuordecim Josephum Clauderum Patrem, Avum, Proavum habuere. Numerus eque non ascendit, quò Familia Georgii Pines ex Anglia tempore Elisabethæ, Angliæ Reginae, in Indiam Occidentalem navigavit, quæ sexaginta annorum intervallo in Insula Penetica 1789, numerasse dicitur: Sufficit *Generi Clauderio* hic numerus, evidens quippe divinæ benedictionis non clausæ monumentum. Perennet hæc benedictio in *Familia Clauderiana* ! & non nisi cum fine mundi claudatur. Rata sint semper vota, quæ moribundus Senex thesauri loco suis reliquit, sicut matris *Elisabethæ* natu *Dietrichi* vota pro filio Scholis destinando rata fuere, quod ipse sequenti disticho inclusit:

Ecce piæ matris valeant quid vota precesqve?

Urbis ego geminæ Ludimagister eram.

Eveniant omina vota quæ, quæ *Gabrieli suo*, pio Aeneæ & Scipioni senii desideratissimo, mater pietissima morti proxima fecit ! Evenerunt statim à morte matris, ut plus simplici vice es expertus, & præfenti tempore vires suas exerere videntur, dum *Filiam* unicam eamque dilectissimam ei collocas, qui ejusdem tecum gentis, nominis & artis, ad quem vota avita pari jure spectant. Propagabit ille *nomen Clauderium*, quod Genitor Tuus huic urbi intulit, & cum svavissimo Fratre hucusque conservasti, non imminutum, sed multis modis clarius ornatusque redditum. Propagabit nomen arte Medica, quæ morborum tyrannidem oppido nostro, divina adjutus ope, excludet: propagabit prole numerosa, quam *Filia* oculissima prospero edet partu, Teque cum dulcissima thori Socia eodem gaudio afficiet, quo Parentes Tui: propagabit *juvenis* Parentis Avi que exemplo. Nec solus propagabit; *Ascanius* enim Tuus per tua decurrens vestigia ætate juvenili ea de se pollicetur, quæ *Clauderio* generi & nomini augmento & ornamento erunt quam maximo. Vigeat in Familia tua *juvenis*; fores benedictionis divinæ non occludantur, sed reclusæ semper pateant. Sic abundabit numero, honore, opibus; sic immota stabit sententia regii Vatis; *Semini iustorum benedicetur*. Benedicat Deus tuo semini! quo ardenti voto præfentes lineolas claudo, non vero affectum, non preces, non studia, quæ nunquam præclusa in me invenies, usque dum vitæ arbiter oculos claudet, cœlique januam mihi recludet.



Za  
5324

Ad  
VIRUM  
*Prænobilissimum, Excellentissimum & Experientissimum*  
DN. CARRIELEM

Top  
Medicinæ Doct  
ris & Ducis Sax  
Curios



UM,  
vvisii,  
um, Seren. Electro-  
tissimum, & Collegii  
ctatissimum,

MAR.

Æ,  
icissima,  
BETHÆ,  
ot.

*Nobi*  
DNO  
WILH  
Medicinæ

*Excellentissimo*  
ERICO  
AUDERO,  
tico celeberrimo,  
piis

Ecclesiastæ Altenburg.

Prelo Godofredi Richteri, Duc. Typ.

